

(11)

:26 רֹאֵה

אֲנֹכִי נִתֵּן לְפָנֶיכֶם הַיּוֹם בְּרָכָה וּקְלָלָה: :27 אֶת־הַבְּרָכָה
 אֲשֶׁר תִּשְׁמְעוּ אֶל־מִצְוֹת יְהוָה אֱלֹהֵיכֶם אֲשֶׁר אֲנֹכִי
 מְצַוֶּה אֶתְכֶם הַיּוֹם: :28 וְהַקְלָלָה אִם־לֹא תִשְׁמְעוּ אֶל־
 מִצְוֹת יְהוָה אֱלֹהֵיכֶם וְסָרְתֶם מִן־הַדֶּרֶךְ אֲשֶׁר אֲנֹכִי
 מְצַוֶּה אֶתְכֶם הַיּוֹם לָלֶכֶת אַחֲרַי אֱלֹהִים אֲחֵרִים
 אֲשֶׁר לֹא־יָדַעְתֶּם:

:29 וְהָיָה כִּי

יָבִיֵאדָּךְ יְהוָה אֱלֹהֶיךָ אֶל־הָאָרֶץ אֲשֶׁר־אַתָּה בָא־שָׁמָּה
 לְרִשְׁתָּהּ וְנִתְּתָה אֶת־הַבְּרָכָה עַל־הַר גְּרִזִים וְאֶת־
 הַקְלָלָה עַל־הַר עֵיבָל: :30 הֲלֹא־הִמָּה בְּעֵבֶר הַיַּרְדֵּן אַחֲרַי
 דֶּרֶךְ מִבּוֹא הַשֶּׁמֶשׁ בְּאֶרֶץ הַכְּנַעֲנִי הַיֹּשֵׁב בְּעֶרְבָה
 מוֹל הַגְּלָגָל אֶצֶל אֱלוֹנֵי מִזְרָה: :31 כִּי אַתֶּם עֹבְרִים אֶת־
 הַיַּרְדֵּן לְבֹא לְרִשֵׁת אֶת־הָאָרֶץ אֲשֶׁר־יְהוָה אֱלֹהֵיכֶם
 נִתֵּן לָכֶם וּיְרִשְׁתֶּם אֹתָהּ וַיִּשְׁבְּתֶם־בָּהּ: :32 וְשִׁמְרֶתֶם
 לַעֲשׂוֹת אֶת כָּל־הַחֻקִּים וְאֶת־הַמִּשְׁפָּטִים אֲשֶׁר אֲנֹכִי
 נִתֵּן לְפָנֶיכֶם הַיּוֹם: (12) אֵלֶּה הַחֻקִּים וְהַמִּשְׁפָּטִים אֲשֶׁר
 תִּשְׁמְרוּן לַעֲשׂוֹת בְּאֶרֶץ אֲשֶׁר נָתַן יְהוָה אֱלֹהֵי

אֲבֹתֶיךָ לָךְ לְרִשְׁתָּהּ כָּל־הַיָּמִים אֲשֶׁר־אַתֶּם חַיִּים עַל־
הָאָדָמָה: 2 אַבְדִּי תֵאבְדוּן אֶת־כָּל־הַמְּקוֹמוֹת אֲשֶׁר עֲבַדוּ־
שָׁם הַגּוֹיִם אֲשֶׁר אַתֶּם יֹרְשִׁים אֹתָם אֶת־אֱלֹהֵיהֶם
עַל־הַהָרִים הָרָמִים וְעַל־הַגְּבְעוֹת וְתַחַת כָּל־עֵץ
רֵעֵן: 3 וְנִתְצַתֶּם אֶת־מִזְבְּחֹתָם וְשִׁבְרֹתָם אֶת־מִצְבֹּתָם
וְאֲשָׁרֵיהֶם תִּשְׂרְפוּן בְּאֵשׁ וּפְסִילֵי אֱלֹהֵיהֶם תִּגְדְּעוּן
וְאֲבַדְתֶּם אֶת־שִׁמְם מִן־הַמָּקוֹם הַהוּא: 4 **לֹא־**תַעֲשׂוּן
כֵּן לִיהוָה אֱלֹהֵיכֶם: 5 כִּי אִם־אֶל־הַמָּקוֹם אֲשֶׁר־יִבְחַר
יְהוָה אֱלֹהֵיכֶם מִכָּל־שְׁבִטֵיכֶם לְשׁוֹם אֶת־שְׁמוֹ
שָׁם לְשַׁכְּנוֹ תִדְרְשׁוּ וּבֵאתָ שָׁמָּה: